



МЕСЯЦА ИЮНЯ ВО 2-Й ДЕНЬ

Иже во святых отца нашего Никифора,
Патриарха Константины града, исповедника

Стихиры исповедника, глас 4.

Подобен: Яко дбля:

Истины водружение, / и веры утверждение, / и догматов предложителя ты знаем, / благочестия согласника, / чистоты селение / и приятелище избранное, / благовоние Духа, / и превеликое сокровище учений, / и основание Христовы Церкви, / священноявленное Богодухновенне.

Апостолов преемника, / страдальцев единоправна, / постников единоревнителя восхваляем ты, / и учителей печать, / и Божественное изображение, / Христова тайноводителя, / святителю блаженне, / и боготочную реку разумений, / беззаконников и хульников мысли потопляющая, премудре.

Премудрости талант / умножив, пребогате, / радости сподобился еси Господа твоего, / испещрен благодатию / Божественного сияния, / и, зарею мысленно сияя духовною, / ныне предстоиши деснице жизноносней, / оттуда лучами / всегда облистаемь, славне.

Ины стихиры, глас 8.

Подобен: О, преславнаго чудесе:

В Божественных незаходимых внутрь, / истинныя же скинии, / юже Господь водрузи, / яко священник законен / вшел еси, преподобне, / не чуждею, отче, кровию, но твоею / Христу подобя-

ся, / советному не покóрься томлѣнию, / ёюже Бóгу, /
 óтче, угоди́л еси́ до конца́.

Слóвом и дея́нием укра́шен, / и священно́ю твоёю /
 оде́ждою, / и учѣния́ правостию, / Ники́форе все- /
 му́дре, / прему́дрости пита́телю, / исповѣданием /
 сих при́ял еси́, / заточѣнии истязáемь, / терпѣл еси́ /
 усѣрдно / по́мысла крѣпостию лю́тая, / вся прихо- /
 дя́щая, блаже́нне.

Орга́н яви́лся еси́ Ду́ха, / Богодохнове́нными /
 гла́сы оглаша́емь свѣше / и возглаша́я несказáн- /
 ное Спа́са та́инство, / и Божѣственна́я труба́, /
 войстинну и наро́читая, / велегла́сно нам проповѣ- /
 дающи́ Слова́ воплоще́ние, / ёже па́че достиже́- /
 ния, / и вѣше ума́ вся, / и по́мысла, пречѣстне.

Сла́ва, и ны́не, Богоро́дичен:

Спаси́ мя, Влады́чице Пречи́стая, / Я́же Спа́са /
 Христа́ неизрече́нно ро́ждшая: / Тя бо еди́ну /
 стяжа́х Предста́тельница, / и необори́мую стѣну, / и /
 покрóв, и ра́дование, / и души́ моея́ Божѣственное /
 утешѣ́ние. / Ты у́бо мя изба́ви неусыпа́ющаго /
 че́рвия / и огня́ вѣчнующаго, Ма́ти Христа́ Бóга.

Крестобогоро́дичен:

Тя ви́дящи, пригвожда́ема / на Крестѣ́, Иису́се, /
 и стра́сти приѣмлюща во́лею, / Де́ва и Ма́ти Тво́я, /
 Влады́ко, / увы́ Мне,— вопия́ше,— / Ча́до сла́дкое, /
 ра́ны неправедно́ ка́ко терпи́ши, / Врачу́, исцели́- /
 вый челове́ческое неможѣ́ние / и от тли́ всех /
 изба́вивый милосѣрдием Тво́им?

Тропа́рь, глас 4:

Прави́ло ве́ры и о́браз крóтости, / воздержáния /
 Учѣ́теля / яви́ тя ста́ду тво́ему / Я́же веще́й /
 Исти́на*: / сегó ра́ди стяжа́л еси́ смире́нием высó- /
 кая, / нището́ю богáтая, / óтче Ники́форе, / моли́ /
 Христа́ Бóга / спасти́ся душа́м на́шим.

Ин тропа́рь, глас 4:

И́же перворо́днаго Ца́рства о́тец, / правове́рныя /
 служ́бы исти́нный па́стырь бы́сть, преподо́б- /
 не, / Ца́ря гра́да, Це́ркви всех ма́тере яви́ся

* Я́же веще́й Исти́на—т. е. Христос

светильник, Никифоре, / моли Христа Бога, / да спасет души наша.

Канон, егже краегранесие: Никифора яко победоносца пѣсньми пою. **Феофан, глас 4.**

Песнь 1

Ирмос: Моря чермную пучину / невлажными стопами / древний пешешествовав Израиль, / крестообразными Моисеевыми руками / Амаликову силу в пустыни победил есть.

Деяние видения показал еси, яже восхождение: / душу бо согласил еси детельно, Никифоре пребогате, / к видению изрядно крайнему возлетел еси.

Умертвив яже на земли мудрования воздержанием, / ты и душу направил еси прилежанием, Никифоре Богодохновенне, / ко пристанищем достигл еси невлаемого * наслаждения.

Недуговав мамоны ересью Лев окаянный / и к твердому тебе камени приражся, Никифоре Богоприятне, / разсыпая вскоре при аде пребезумный.

Богородичен: Исцели сокрушение, Пренепорочная, человечества, / Творца рождши, вся ны исправльшаго, / низверженныя падением праотец, Богоневестная.

Песнь 3

Ирмос: Не мудростию, и силою, / и богатством хвалимся, / но Тобою, Отчею ипостасною мудростию, Христе: / несть бо свят, паче Тебе, / Человеколюбче.

Украсив добродетельми твоими житие твое и светильник / слова жизни яже хранитель быв, / Христова всесвященное стадо наставил еси.

Богослагодливый огненный язык твой Божественный / огнем разумным терновныя попали ереси, / Богомудре отче славне.

Любомудрием премудрости глубину испытав, / учений твоих пленницами отметающихся образа Христова / ясно придавил еси, досточудне.

Богородичен: Исповедающе Отцу Превечному Сына Собезначальна, / напоследок из Твоея утро-

* невлаемый — неколеблемый, постоянный

бы рóждшася, Пречыстая, / войстинну сла́вим Тя,
Бо́жию Ма́терь.

Седáлен, глас 8.

Подóбен: Премудрости:

Словес твоих благодать разумных и учений
высота тайных / Божественнаго нам бысть вос-
хождения лэствица: / духовну бо, óтче, стяжав
трубу, сею проповедал еси Божественная учения. /
Тэмже и на месте вселился еси злачне, / зверя
отгнав пращею словес твоих, Никифоре блажен-
не, / моли Христа́ Бога грехов оставление подати /
чтущим всечестную твою пáмять.

Сла́ва, и ны́не, Богорóдичен:

Я́ко Дэву и еди́ну в жена́х, Тя, без семене
ро́ждшую Бо́га плóтию, / вси ублажа́ем, роди
человечести: / Огнь бо вселися в Тя Божества, / и
я́ко Младенца млеко́м пита́еши Зиждителя и
Го́спода. / Тем, А́нгельский и человеческий род,
достойно сла́вим пресвято́е рождество́ Твое́ / и
согласно вопи́ем Ти: / моли́ Христа́ Бога согрешé-
ний оставление дарова́ти / поклоняющимся véрою
пресвято́му рождеству́ Твоему́.

Крестобогорóдичен:

А́гнца, и Па́стыря, и Избáвителя А́гница зря́щи
на Кресте́, / восклицáше, плачу́щи, и, горько
рыда́ющи, вопия́ше: / мир у́бо радуется, прие́мля
Тобо́ю избавление, / утроба же Мо́я горит, зря́щи
Твое́ распя́тие, / е́же терпи́ши за милосердие
милости. / Долготерпели́ве Го́споди, мило́сти без-
дно и исто́чнице неисчерпа́емый, / уми́лосердися и
да́руй согрешéний оставление / véрою пою́щим
Божественныя стра́сти Тво́я.

Песнь 4

Ирмо́с: Вознесена́ Тя ви́дящи Цёрковь на Кре-
сте́, / Со́лнце праведное, / ста в чине своём, /
достойно взыва́ющи: / сла́ва си́ле Твое́й, Го́споди.

Си́лою Божественною чéлюсти, священноявлé-
не, нечестивых сокруши́л еси́, / твёрдым твоим

сло́вом сих победѣв, / и чествовати научѣл еси́
Божественный Спаса́ образ.

Исповѣданием Божественное священство свѣт-
ло уяснѣл еси́, о́тче Ники́форе, / Льво́во суровство́
загражда́я, / тайнниче неизрече́нных Богоприят-
не.

Юношески протѣвлься, Ники́форе, благочестѣ-
выми учѣнии честны́я Цѣркве, / ра́ною словес
твоѣих во́лки отгна́л еси́, / ве́ру пра́вую корчѣмству-
ющия*.

Богороди́чен: Воплоще́на Безплотнаго пѣрвее
ро́ждши, Сло́ва Бо́жия, / Всенепоро́чная Обрадо-
ванная, мир обновѣла еси́. / Те́мже Тя, Богоневѣ-
сто, ве́рою правосла́вною почита́ем.

Песнь 5

Ирмо́с: Ты, Го́споди, мой Свет, / в мир пришѣл
еси́, / Свет Святы́й, обраща́я из мра́чна
невѣдения / ве́рою воспева́ющия Тя.

Ум имѣя чист, на Небеса́ восходя́щ, / ра́зума и
прему́дрости неувяда́ющий цвет объ́ял еси́, все-
блаже́нне.

Исцелѣние душам правосла́вным оросѣл еси́,
словеса́ твоѣя, Богоявле́нне, / зе́млю же неразу́мных
опровергл еси́ твоѣими учѣнии.

Сло́во де́ятельно и живо́т имѣя неотъѣмлемь, /
я́ко со́лнце облистѣя, честны́я Цѣркве просвещѣ-
еши утвержде́ние.

Богороди́чен: Разре́шение кля́твы прамáтере Ты
была́ еси́, Пренепоро́чная, / заче́нши нас благосло-
вѣньми Божественными Венча́вашаго.

Песнь 6

Ирмо́с: Пожру́ Ти со гла́сом хвалѣния, Го́споди, /
Цѣрковь вопиѣт Ти, / от бесо́вския кро́ве
очи́щшися / ра́ди мѣлости от ребр Твоѣих / истѣк-
шею Кро́вию.

Светоно́сно зарѣями сия́я духо́вными, / Цѣрквам,
Богому́дре, явился еси́ столп, Небеси́ ра́вен, / и
о́блак, к насле́дию ведѣ́й Небѣсному.

Всю твою́ жизнь Бо́гу освяти́л еси́, / пребыва́я по

* корчѣмствовать — искажать

всей вселенней начальник, / прославился еси, священноявленне отче блаженне.

Растерзает плетения безбожных ересей / твоё Богодохновенное слово обоюду острым мечем Утешителя, / свет же истины всем предпоказá.

Богородичен: **Закони** преславно естества разрешаются: / Дева бо раждает и питает Отроковица, / неискусобрачно зачѣнши всех Зиждителя и Господа.

Кондак, глас 4.

Подобен: Явился еси днесь:

Победы венѣц с Небесѣ, о Никѣфоре преславне, яко прием от Бога, / спасай верою почитающия тя, / яко священноначальника Христова и учителя.

Икос:

Якоже невоен град Божий на горе, / великий иерарх стоя водружен явился, соблюдая мир молитвами, / полки безбожных победив, пребысть невредимь, от врагов стрелянии неуязвен, / всех Царя и Господа внутрь в сердца нося. / Темже и уясняет чтущия Христа на иконе, / с высоты добродетелей и столпа дел пращею метает на полки врагов, / двери же милосердием отверзает верою поющим сего, / яко святителя Христова и учителя.

Песнь 7

Ирмос: *В пещи авраамстии отроцы персидстей, / любовью благочестия паче, / нежели пламенем, опалѣеми, зываху: / благословен еси в храме славы Твоея, Господи.*

Церковь ты живу Бога Живаго вѣмы, / внутрь яко светильника имуща златозарна, Троицы познание: / благословен еси в храме славы Твоея, Господи.

Еретичествующих языкоболія низложил еси, / уверяя чтити икону Христову, Никѣфоре, зывающия: / благословен еси в храме славы Твоея, Господи.

Премудрости богатство и житие имѣя Божественно, / все преминаул еси чувство мѣсленно, Христу ныне беседеши: / благословен еси в храме славы Твоея, Господи.

Богородичен: Не разделяюще соединённая, ниже сливающе, единого Христа славим, / из Тебё воплощённого Слова, зовуще: / благословён еси в храме славы Твоея, Господи.

Песнь 8

Ирмос: *Отроки благочестивыя в пещи / Рождество Богородичо спасло есть; / тогда убо образуемое, / ныне же действуемое, / вселенную всю воздвизает пети Тебё: / Господа пойте, дела, / и превозносите Его во вся веки,*

Кровию Христовою избавлен, разумом иже Его ради подъят смерть, / совести принёсл еси мучение, исповедания благодатию сияя: / Господа пойте, дела, взывая, и превозносите Его во вся веки.

Телом и душею очищён, Слову Всевидцу словом пожёрл еси, / Сие прежде безплотно и безначально показуя / и милостивно бывша Человека послежде, / Господа пойте, дела, взывая, и превозносите Его во вся веки.

Да наследие Небесное и славу неизменную улучиши, славне, / славу увядаемую, отче, оставил еси, / изгнание и озлобление терпя доблественне, мудре, взывая: / Господа пойте, дела, и превозносите Его во вся веки.

Богородичен: Едину Голубицу чисту Тя Жених мысленный обрете, Всенепорочная, / крин благовоннейший, цвет прекраснейший и светоносен чертог, Невесту приведе. / Темже Тя, Деву, поём и превозносим во вся веки.

Песнь 9

Ирмос: *Камень нерукосечный / от несекомыя горы, Тебё, Деву, / краугольный отсечёся, / Христос, совокупный разстоящаяся естества, / тем, веселящися, Тя, Богородице, величаем.*

Обрёл еси блаженный конец, прешедшим зеркалом / и истине явльшейся видением нетленные доброты, / еяже ныне насыщаяся, твоими молитвами нас поминай.

Раку обступивше Божественную Богоносного Никифора, / приидите, христоноснии, усердно яко победоносца сего воспоём / и того торжество с веселием празднуем.

Всяку добродѣтель удержавъ, / при кончинѣ подвиговъ исповѣдания венцемъ, священномучениче, явился еси украшенъ, / ѡмже удобренъ, твоему Владыцѣ нынѣ предстоиши.

Богородичен: Яко корень, и источник, и виноу нетленія / Ты, Дѣво, вси вернии, ведуще, хвалами почитаемъ: / Ты бо ипостасное Безсмертіе нам источила еси.

Светилен.

Подобен: Ученикомъ зрящимъ:

Яко победоносецъ изряденъ страстей, Никифоре, / венецъ сугубъ приял еси от Христа Спаса: / яко ересь богоборную Божественныя иконы отметающихъ, премудре, низлагая, святителю, / и страдалецъ, яко благочестія поборникъ, отче. / О нас убо моли, чтущихъ тя, блаженне.

Богородичен:

Отѣческихъ не оставль недръ, аще и воплотился еси от Дѣвы, Господи, / ибо спасти мене, падшаго, преклонивъ небеса, сошел еси / и исхитити хотя от уст зверя мысленнаго и его удавлѣнии держимаго. / Темже, избавлься, славлю Твою силу.



Святитель Никифор Исповедник, Патриархъ Константинопольскій, родился во 2-й половине VIII века в столицѣ Византийской имперіи—Константинополѣ. Родители его Феодор и Евдокия были благочестивыми христианами. В царствование императора-иконоборца Константина V Копронима (741—775) Феодор занимал должность нотарія в тайной императорской канцеляріи. За почитание икон он, по приказу императора, был мучим и дважды изгонялся в ссылку. Скончался Феодор в ссылкѣ в г. Никее. Благочестивая супруга Феодора Евдокия разделяла с мужем все скорби. Она последовала за ним в изгнание и только после кончины супруга вернулась в Константинополь. Когда сын Никифор стал Патриархом Константинопольским, Евдокия постриглась в иночество и удалилась в монастырь.

Богобоязненные родители воспитали Никифора в благочестіи, целомудріи и страхе Божіемъ. Святой Никифор изучил Священное Писа-

ние и получил хорошее светское образование. Он занял при дворе должность своего отца, а в царствование Льва IV Хазара (775—780) стал советником императора.

На Седьмом Вселенском Соборе в Никее в 787 году святой Никифор от имени Константина Порфирородного и царицы Ирины выступил в защиту святых икон. Он оказал существенную помощь святым отцам Собора в их победе над еретиками-иконоборцами и в утверждении православного догмата о почитании святых икон.

Через несколько лет после Никейского Собора святой Никифор отверг суетную мирскую жизнь и удалился в уединенное место при Босфоре Фракийском, где впоследствии построил храм и основал монастырь. Много лет святой Никифор совершал иноческие подвиги, хотя еще не принял монашеского пострига.

После смерти святителя Тарасия (†806; память 25 февраля), Патриарха Константинопольского, святой Никифор был избран на Константинопольскую кафедру. Он принял монашество и был рукоположен в сан пресвитера, а в день Святой Пасхи возведен на патриарший престол.

Святитель Никифор мирно управлял Константинопольской Церковью до вступления на императорский престол иконоборца Льва V Армянина (813—820), во время правления которого вновь началось гонение на святые иконы. Император потребовал созвать Собор и опровергнуть постановления предыдущего Собора, утвердившего иконопочитание. Он собрал в Константинополь епископов и игуменов монастырей. Противники иконоборческой ереси были брошены в темницы, а затем сосланы. На их места император поставил еретиков, ранее отлученных от Церкви.

В это трудное для Церкви время

святитель Никифор остался верным учеником Христовым. Всеми своими силами он старался вразумить императора, утвердить в правой вере христиан, оградить Православную Церковь от ереси. Поборник благочестия, он был для верующих примером добродетельной жизни и преданности учению святых отцов Церкви. Однако Лев V не внял наставлениям святителя. В 815 году он созвал еретический собор, который предал анафеме Патриарха Никифора, а также его предшественников Святейших Патриархов Тарасия (784—806) и Германа (715—730). Святитель Никифор был сослан в монастырь, а затем на остров Проконнис (ныне Мармара в Мраморном море) в монастырь во имя святого великомученика Феодора.

Господь наделил Своего угодника даром прозорливости. По пути следования в место заточения святитель Никифор проплывал мимо обители преподобного Феодана Исповедника (†818; память 12 марта). В то время святой Феодан находился у себя в кельи. Он зажег в кельи свечи, воскурил фимиам и поклонился в сторону, где плыл корабль со святым узником. Святитель Никифор, к удивлению окружающих, ответил на приветствие благословением и сообщил стоявшим рядом, что преподобный Феодан пострадает за почитание икон.

Тринадцать лет святитель провел в изгнании, претерпевая все лишения и скорби. Он скончался мирно в 828 году и был погребен в монастырском храме во имя святого великомученика Феодора. 13 марта 847 года, в царствование святой царицы Феодоры (842—855; †867; память 11 февраля), мощи святителя Никифора были перенесены в Константинополь и с честью положены в соборном храме во имя Святой Софии, Премудрости Божией.



Святаго великомученика Иоанна Новаго, мученаго в Белёграде

НА МАЛОЙ ВЕЧЕРНИ

Поста́вим стихы́ 4 и поём стихи́ры, глас 1.

Подобен: Небесных чинов:

Небесных чинов сликóвника / и мучеником со-
страда́льца, / премудраго воина благочестия / и
исти́ннаго проповедника Христо́ва, / Иоанна вели-
коименитаго, / восхва́лим, ве́рнии, ра́дующеся.

Христиа́н забра́ло крёпкое, / столпа́, непоколе-
би́мага мучи́тельскими ласка́нии, / купца́ всеиз-
ря́днаго, / на нетле́нных измени́вшаго тле́нная / и
нас свѣ́ше назира́ющая, / ве́рно ублажи́м.

Пе́рваго пострада́теля вси Иоанна, / светлаго
храбо́рника, / ны́не нам возсия́вшаго / исти́ннаго
страда́ния луча́ми, / воспоём, веселя́щися / и того́
мо́щем кла́няющеся.

Сла́ва, глас 6:

Прииди́те, мучениколю́бцы вси, / прииди́те, лик
соста́вим, / венцы́ похвала́ми плету́ще / и честну́ю
главу́ Иоанна венча́юще: / сей бо всехрабо́рник, /
Христо́вою воору́жився ве́рою, / в по́двиг вни́де
му́жественне / и Христа́ испове́да, Сы́на Бо́жия и
Бо́га, / Творца́ и Судию́ вся́ческих, / пе́рсскую до
конца́ горды́ню низложи́в / и мучи́теля попра́в
свои́м терпе́нием, / мучеников бысть о́браз и над-
писа́ние. / И ны́не, Христу́ мо́лится о душа́х на́ших.

**И ны́не, Богоро́дичен. Аще Пятдеся́тница, И
ны́не, пра́здника.**

На стихо́вне стихи́ры, глас 2.

Подобен: До́ме Евфра́фов:

От востóчных к се́верным, / я́коже со́лнце, возси-
я́л еси́ / заря́ми страда́ния, всех привлача́ / сердца́
и помышле́ния / к твои́м чудесе́м, сла́вне.

Стих: Пра́ведник, я́ко фи́никс, процветёт, / я́ко
кедр, я́же в Лива́не, умно́жится.

**Се́верная племена́ вся, / ели́ко благочести́вая, /
духо́вне ликовству́йте пёсньми, / Иоа́нна сла́в-
яще, / вас возло́бльшаго.**

**Стих: Наса́ждени в до́му Господни / во дво́рех
Бо́га на́шего процвету́т.**

**После́дним сим времено́м, / ты красота́ показáл-
ся еси́, / му́чеников страда́ния обновля́я / и до
конца́ низлагáя / прелесть, блаже́нне, душегуби́-
тельную.**

Сла́ва, и ны́не, Богоро́дичен:

**Богоро́дицу Тя и́стинную му́ченицы испове́да-
ша, / со Иоа́нном сла́вным, / Мари́е Богоневесто: /
мы же Ти припа́даем, / грехо́в прося́ще прощени́я.**

НА ВЕЛИ́ЦЕЙ ВЕЧЕ́РНИ

**Блаже́н муж: На Го́споди, воззва́х: поста́вим
стихо́в 8 и поём стихи́ры, глас 2.**

Подобен: Кйими похва́льными:

**Кйими благохва́льными пёсньми воспоём Иоа́н-
на? / Истиннаго во́ина Ца́ря вели́каго, / све́тлаго
храбо́рника, / Христо́ва всеизря́днаго страда́ль-
ца, / утверди́теля ве́ры и низложите́ля ле́сти, /
терпели́ваго во искуше́ниях и в му́ках непри-
стра́шнаго, / нечестивых наказáтеля стра́шнаго / и
благочестивым помо́шника те́плаго, / имже Хри-
сто́с нам да́рует ве́лию ми́лость.**

**Кйими похва́льными венцы́ венча́ем Иоа́нна? /
Му́чеников обновле́ние, иску́снаго борца́, / благо-
честия борите́ля, врага́ низложившаго, / кро́вию
зе́млю освя́щшаго, / и возду́шныя кня́зи устраши́в-
шаго, / и Небе́сным причта́вшагося А́нгелом, /
столпа́ всезлата́го, о нёмже содер́жатся страны́
се́верныя, / имже Хри́сто́с сих враги́ побежда́ет, /
име́й ве́лию ми́лость.**

**Кйими благососта́вными гласы́ просла́вим Иоа́н-
на? / Высокопа́рнаго орла́ словес пре́мудростию, /
его́же крило́ма злата́ междора́мья*, / трубу́
благочестия, Бо́жия Сло́ва та́инства возгреме́вша-
го, / мечá, изоощре́ннаго проро́ческими велéнии, /
имже пе́рское возноше́ние Хри́сто́с низложí, /
име́й ве́лию ми́лость.**

* междора́мье — спина

Кйими пѣсньми и добротами увязѣм Иоанна чуднаго? / Плоть давшего к ранам содробления / нас ради плещи на раны давшего / и кровь нещадно излиявшего, / истощившаго Себе до рабства образа, / мучителя удивльшаго преестествонным терпением / и того посрамльша сопротивлением крепким, / егже Христос Бог венцы нетления венча, / имей велию милость.

Слава, глас 8:

Днесь честное торжество Небесная празднуют мысленно, / земная к веселию созывающе / в память добляго подвижника Иоанна, / терпеливаго адаманта: / изнемогша бо руки бьющих, / и судия утрудися, муки умышляя. / Он же выше всех пребываше, / стоя, яко лев, посреде подвига / и мучителя устрашая исповеданием Христовым, / благодержновенно к нему вопияше: / не косни, о епарше, се ти плоть к томлению! / Ты убо довольны раны наноси, / Христос же венцы нетленны дарует мне, / Егже проповедаю со Отцем и Святым Духом.

И ныне, Богородичен. Аще Пятдесятница, И ныне, праздника.

Вход. Прокимен дне. Чтения три.

Пророчества Исаиина чтение (глава 43):

Тако глаголет Господь: / вси языцы собращася вкупе, и соберутся князи от них. / Кто возвестит сия в них? / Или яже от начала, кто слышана сотворит вам? / Да приведут свидетели своя, и оправдятся, / и да услышат, и да рекут истину. / Будьте Ми свидетели, и Аз Свидетель, глаголет Господь Бог, / и отрок, егже избрах, / да познаете, и веруете Ми, и разумете, яко Аз есмь, / прежде Мене не бысть ин бог / и по Мне не будет. / Аз есмь Бог, и несть, разве Мене, спасаая. / Аз возвестих и спасох, / уничижих, и не бе в вас чуждий. / Вы Мне свидетели, и Аз Господь Бог. / И еще от начала Аз есмь, / и несть от рук Моих избавляя. / Сотворю, и кто отвратит то? / Сиче глаголет Господь Бог, / избавляя вас, Святей Израилев.

Премудрости Соломоновы чтение (глава 3):

Праведных души в руке Божией, / и не прикоснется их мука. / Непщевани быша во очесех безумных умерети, / и вменися озлобление исход их, / и еже от нас шествие — сокрушение, / они же суть в мире. / Ибо пред лицом человеческим аще и муку примут, / упование их безсмертия исполнено. / И в мале наказани бывше, великими благодетельствовани будут, / яко Бог искуси я и обрете их достойны Себе. / Яко злато в горниле, искуси их / и, яко всеплодие жертвенное, прият я. / И во время посещения их возсияют / и, яко искры по стоблию, потекут. / Судят языком и обладают людьми, / и воцарится Господь в них во веки. / Надлежащие Нань разумеют истину / и вернии в любви пребудут Ему, / яко благодать и милость в преподобных Его / и посещение во избранных Его.

Премудрости Соломоновы чтение (глава 4):

Праведник аще постигнет скончатися, в покои будет. / Старость бо честна не многолетна, / ниже в числе лет исчитается, / седина же есть мудрость человеком, / и возраст старости — житие нескверное. / Благоугоден Богу быв, возлюблен бысть / и живый посреде грешник преставлен бысть. / Восхищен бысть, да не злоба изменит разума его / или леть прельстит душу его. / Рачение бо злобы помрачает добрая / и парение похоти пременяет ум незлобив. / Скончався в мале, исполни лета долга, / угодна бо бе Господеви душа его, / сего ради потщася от среды лукавствия. / Люди же видевше, и не разумеюще, / ниже положше в помышлении таковое, / яко благодать и милость в преподобных Его / и посещение во избранных Его.

На литии стихиры, глас 1, самогласны:

Северная вся, радуйтеся и, веселящися, възгряйте, / посреде себе имуще звезду незаходящую и многосветлую, / солнечная зарю превосходящую, / Иоанна великоименитаго, / благочестиваго корене

мученическую ветвь многоплодную и избранную, / много Христа возлюбльшаго, / и от Него множае возлюбленна бывшаго, / и нам просяща велия милости.

Благочестивых родове вси, духовно ликовствующе, / общую пользу восхвалите / в нарочитом дни сего праздника, / посреде себе имуще, яко шипок благовонный, / того святое и многострадальное тело, / ныне прославленное славою нетления / и цельбы подающа душевным страстем и телесным.

Восточная, северным сликовствуите / и не высокая мудрствуйте / ибо солнце другое zde преславно показася, / не к западом творяще течение / и под землю устремляющесе, / но к Небесем восход имущее от земли, / невещественным спребывающе умом, / и отгуду нас озаряет, соблюдает, и освящает, / и от Христа просит велия милости.

Слава, глас 5:

Вострубим духовною цевницею / в празднственной памяти Иоанна, доблемудреннаго воина, / яже окрест созывающе с высоким проповеданием и глаголюще: / се иже на земли пострадавый и ныне на Небесех царствуй. / Приидите, братие, сему поревнуйте / и, поревновавше, последуйте усердию, / мученицы бывше произволением, / се милостыни сокровище пребогатое, / приидите, царие и князи, сего подражайте, / да и подобным венцем приобщитесь; / богатии и нищии, здравии и недужнии, / почерпите обильно исцеления от ковчега священнаго, / яко от нетленна источника, / в славу Богу и Спасу, / прославляющему Того прославльшаго.

И ныне, Богородичен. Аще Пятдесятница, И ныне, праздника.

На стиховне стихиры, глас 4.

Подобен: Яко добля:

Яко благонарочит овен, / морскую преплыл еси пучину / и жертва принеслся еси, / жива и одушевлена, / нас ради, славне, заклавшемуся Божию Агнцу, / от Негоже приемь трудов твоих почести, /

моли́ от тли и бед изба́витися / véрою и любóвию
творящим / пречестнóю пáмять твою́.

Стих: П ráведник, я́ко фíникс, процветёт, / я́ко
кедр, я́же в Ливáне, умно́жится.

Ни суровствó мучи́теля, / ни жéзленная биéния, /
ни плóти содроблéния, / ни кровéй потóцы / твою́
твёрдость возмогóша, слáвне, от Христá отврати́-
ти, / пáче же вопия́л еси́ к муча́щим: / раждежи́те
мя му́ками, / я́коже горни́лом искуси́тельным, / да
злáто искуше́но явлóся Созда́вшему.

Стих: Насаждéни в дому́ Господни / во двóрех
Бóга нáшего процвету́т.

Ни вери́г т́жести, / ни темни́цы злосмра́дие, / ни
влача́щих безчеловечие / твоé благóстояние от
твоегó Влады́ки, / блаженне, поколебáша: / темни́-
цу бо черто́г свéтел, / вери́ги же гривну́ злáту, /
влачéние же гóрькое колесни́цу цáрскую / Христá
ради́ вменя́л еси́.

Слáва, глас 3:

Стратотéрпческия лучи́ возсия́вше, / прите́кше,
наслади́тесь, брáтие: / от Небéс бо к нам соше́д
невидимо, / избранны́й во́ин Христóв Иоáнн, / и
трапéзу предложив духóвную, / всех учрежда́ет
обильно, / протíву коегóждо прошéния / и припа-
дём véрою, тогó мóщи объёмлюще / и молéбне
глагóлюще: / многострадáльне и треблаженне, /
цёрковь, ю́же возлюбил еси́, / в нейже честным
твоим мо́щем стáти избóлил еси́, / с Боговенчáнны-
ми господáми нáшими, / возлóбльшими тя и при-
нёсшими, / сохраня́й и покрывáй твоим к Бóгу
дерзновéнием.

**И ны́не, Богорóдичен. А́ще Пятдеся́тница, И
ны́не, прáздника.**

Тропа́рь, глас 4:

Житиé на земли́ дóбре окормля́я, страдáльче, /
ми́лостынями, и частыми молíтвами, и слезá-
ми, / пáки же ко страдáнию мýжески устремився, /
пéрсское обличил еси́ нечестие. / Тёмже Цёркве
был еси́ утверждéние / и христиáн похвалó, /
Иоáнне приснопа́мятне.

НА УТРЕНИ

По 1-й стихологии седален, глас 1.

Подобен: Гроб Твой:

Гроб твой, святе, другий бысть Силоам véрою приходящим, / исцеление точа недúгом телéсным и страстём душéвным. / Тёмже днесь, сошэдшеса, твою святую совершаём пáмять, / слáвяще едíнаго Бóга нáшего.

Слáва, и ныне, Богорóдичен:

Тебé, Богомáти, Иоáнн венценóсец посреди судища свéтло йстинную Богорóдицу исповéда, / от Трóицы Едíнаго рóждшую и Дéву пребывшую. / Тёмже, Всепéтая, с ним Твоегó Сýна и Бóга моли / грехóв даровáти прощéние.

По 2-й стихологии седален, глас 3.

Подобен: Красотé:

Красén нам войстинну от Бóга даровáлся еси, пáче злáта и топáзия, Иоáнне честнэйший, / всех óчи умныя и сердéчныя привлчá к разумéнию чудес твоих страданий. / Тёмже любóвию зовём ти: / рáдуйся, нáша похвалó пресвётлая.

Слáва, и ныне, Богорóдичен:

Красотé дéвства Твоегó и пресвётлой чистотé Твоей Гавриил удивívся, / вопияше Ти, Богорóдице: / кúю Ти похвалú принесú достóйную? / Что же возыменúю Тя? / Недоумевáю и ужасáюся. / Тёмже, я́ко повелén бых, вопию Ти: / рáдуйся, Благодáтная.

По полиелéи седален, глас 4.

Подобен: Удивívся:

Удивívся мучитель, пачеестéственное зря в тебé терпéние, / восприяша тя Áнгели, венцы́ облагающе, / посрамíшася бéсове твоёю дóблестию: / егóже бо мнэху ласкáньми низложíti, сим победéни б́шша и падóша, / утвердишася véрнии твоим исповédанием. / Йже сегó тогда укрепívый, проsvетí дúши нáша.

Слáва, и ныне, Богорóдичен:

Удивívся Ио́сиф, éже пáче естества зря / и внимáше мýслию, йже на руно́ дождь, в безсе́менном зачáтии Твоём, Богорóдице, / купинú, огнём

неопалимую, жезл Ааронов прозябший, / и, свидетельствуя, обручник Твой и хранитель священником взывааше: / Дева раждает и по рождестве паки Девойю пребывает.

Степенна, 1-й антифён 4-го гласа. Прокимен: Возвеселится праведник о Господе / и уповает на Него. **Стих:** Услыши, Боже, глас мой, внемди молити ми ся к Тебе. **Евангелие от Лукы, зачало 106.**

По 50-м псалмё стихира, глас 6:

Днесь Церковь торжествует, / страстотерпца красящихся подвиги, яко многоценною одеждею, / и вопиет, хвалящихся: / сицева моя рождения, таковы мои сынове, / ихже पहले породих Крещением, / воспитал же страхом Господним / и ныне мученики вижу, истине венечники избранны, / да молятся о вселенней ко Господу.

Канон Богородицы на 6, глас 2: Нетрену, необычну: **И святаго на 8, егоже краегранесие:** Новому мученику нову приношу хвалу. **В Богородичнах же: Григорие. Глас 4.**

Песнь 1

Ирмос: Отверзу уста моя, / и наполнятся духа, / и слово отрыгну Царице Матери, / и явлюся, светло торжествуя, / и воспую, радуясь, Тоя чудеса.

Новоявлен мученик, блаженне Иоанне, вселенней напоследок явился еси, / темже ми подаждь слово твоею благодатию, / твоя подвиги воспети по достоинию.

Очима мысленными предстою на судищи, / мучеников зрел еси честное сословие, тебе призывающих радостно, Иоанне, / и подобными венцы украшающих.

Воинством досточудным твоего сопротивления / победная прияхом на мучителя естеству: / совершенно бо посрамлен быв, / не ктому мучительская дерзати начинает.

Одеваясь во броня исповедания веры и шлем возложив благодати светлейший, / языком же, Иоанне, боговещанным и честным, / якоже мечем, ссекл еси безумнаго епарха.

Богорóдичен: Г ора превысо́кая, ю́же ви́де Дани-
и́л, / ка́мень от горы́ же отсече́ся му́жеску руку́
кроме́, Тебе́ прообразова́, Богорóдице: / без му́жа
бо нам плóтию родила́ еси́ Емману́ила.

Песнь 3

Ирмо́с: Т воя́ песносло́вцы, Богорóдице, / Живы́й
и Незави́стный Исто́чнице, / лик Себе́ совоку́пль-
шия, духо́вно утверди́, / в Божéственней Твое́й
сла́ве / венце́в сла́вы сподо́би.

М у́ками, я́ко зла́то честное́, искуси́лся еси́,
страда́льче сла́вне, / и Царю́ сил принёслся еси́,
всепло́дие словеси́ и́стинно, / вме́сто огня́ олта́рна-
го мече́м истне́емо.

О Влады́ще пер́вее и Го́споде не насы́тишася /
иудее́ законопресту́пнии и пророкоуби́йствен-
нии, / но и того́ му́ченика, влачи́ма немилостивно́
от слуг нечести́я, теку́ще, закла́ху.

Е па́рх се́ти простира́ше словеси́ ласка́тельными
к ловле́нию страда́льца премудра́го, / но он вопи́-
яше к нему́: / преста́ни на мно́зе буесло́вья, / аз бо
тва́ри не поклоню́ся, па́че Созда́вшаго.

Ма́слина плодови́тая в це́ркви Жива́го Бо́га
твои́х моще́й ра́ка ны́не яви́ся, / от нея́же обира́ем
разли́чная неду́гов исцеления́, / и́же тобою́ обо-
га́щшиися и чудеси́ твоими́ крася́щиися.

Богорóдичен: Р ече́ Божéственный Иезеки́иль: /
и бу́дет дверь затворе́на. / И си́е на Тебе́ исполни́-
ся, Влады́чице: / вни́де бо несказáнно в Тя О́тчее
Сло́во и ми́ру яви́ся Плотно́сец из Тебе́, Де́во, /
сохрани́в Тя во обои́х.

Седáлен, глас 8.

Подóбен: П ремудрости:

П ремудрости ра́читель быв, сокрóвище добродé-
телей, / отону́дуже и почерпн еси́ Божéственная
разумения́. / Тёмже и, времени́ призва́вшу, к под-
вигóм усёрдно совлéклся еси́, / приёма́ му́чениче-
ския ра́ны, плóти содробле́ние и крове́й исто́щан-
ие, / и ны́не живёши в неизрече́нне свéте с
му́ченики. / Сего́ ра́ди вопи́ем ти: / моли́ Христа́
Бо́га грехо́в оставле́ние дарова́ти / поклоня́ющим-
ся véрою святы́м моще́м твои́м.

Слава, и ныне, Богородичен:

Помышляю суд и боюся, испытанія трепещу страшнаго / и ужасаюся муки и огня болѣзни, тмы же и тартара. / Увы, что сотворю? / Студ како претерплю, егда книги разгнуты и деянія обличатся? / Сего ради припадаю Ти, Богородице Пречистая: / предстани ми тогда, нужды оныя изымаючи, / Тебе бо имам прибежище, Владычице.

Песнь 4

Ирмос: Седяй в Славе на Престоле Божества / во облаце легце, / прииде Иисус Пребожественный / Нетленною Дланию и спасе зовущия: / слава, Христе, силе Твоей.

Удица льстивая язык быше мучителя, / вражими подвижимь козньми, преложити великодушнаго спешащ, / но безделен обличися, страдальцу в радости зовущу: / слава силе Твоей, Господи.

Что ми многая словеса и обещания тлеемая, яже безумне предлагаеши? — / Иоанн к мучителю вопияше. — / Сия вся мне желчи горчайша, сладостно взывающе: / слава силе Твоей, Господи.

Егда раны множайшия на моих процветут плотех, / тогда венцем светлейшим уповаю сподобитися, — / страдалец к персу глаголаше, — / не косни прочее, о зломудренне, аз бо вопию: / слава силе Твоей, Господи.

Никакоже тебе послушаю, к пагубе привлачаща, — / огнеслужителю Иоанн вещае, — / умру же паче усердно за умершаго мене ради, да с мученики светло вопию: / слава силе Твоей, Господи.

Богородичен: Изобразоваше в Чермнем прошестве древле Израилево / безмужное Твое рождество, Всецарице: / якоже бо он тогда пройде немокренно, / тако и Христос безсеменно от Твоих пречистых кровей произыде, Дево.

Песнь 5

Ирмос: Ужасошася всяческая / о Божественней славе Твоей: / Ты бо, Неискусобрачная Дево, / имела еси во утробе над всеми Бога / и родила еси

Безлётнаго Сына, / всем воспевающим Тя / мир подающая.

Изнемогоша, биюще, слуги страсотёрпческия плоти, / утрудися и мучитель, томления изыскупа, / но он доблественне терпяше, красуясь ранами, / яже за любовь подъят Господа своего.

Коль страшно же и славно о Христѣ сопротивленіе твоѣ, / емуже убо почудишася племена, обрѣтшаяся на подвиже, и похвалиша терпение, / персы же посрамишася со иудеи, студом оболкшеса.

Окрест стояху множества, зряще бываемое, славне, / и мучитель председяше, тебе приобрести надеяся, / но погреші безумный тщания, всеу претя непристрашному / и вотще бия адаманта.

Епѣрха злочестиваго безумному велению ругаяся, / Божественный Иоанн прелесть обличаше персския гордыни: / солнцу, глаголя, не поклонюся, твари сущей, человеком работающей, / большему рук Божиих созданию.

Богородичен: Горѣ быше соприсносущен, Отцу и Богу, Бог Слово / и с нами Бог и Человек, Богородице, / Тобою сошед к нашему смирению, свободяя от клятвы прадедния: / Тебѣ бо виде патриарх Иаков лѣствицу Небесную.

Песнь 6

Ирмос: Божественное сіе и всечестноѣ / совершающе праздноство, / Богомудрии, Богоматере, / приидите, руками восплещим, / от Нея рождшагося Бога славим.

Никакоже поколебаша столпа благочестия свирѣпство повелевающаго, / ниже палицами биения, но ни раны, ни смерть нужднейшая.

Оку херувимску ума твоего чистота уподобися: / доле бо мужески терпел еси мучения и горе предстоил еси Владыце, / Яже посла тебе венец победительный.

Взыграшася светло мученичестии тогда ликове, видевше твоѣ дерзновение, / и, приникше купно со Ангелы, / невидимо укрепляху тя в подвиже.

Ужа желѣзная Иоанн, страдалец изящный, злата огорлия вменяше я / и яже от иудей каменей метания — степени к Небесному шествию.

Богорóдичен: Образне руно́ Гедео́н при́ят ороше́но, Твое́ предвозвеща́я чу́до: / снiде бо, я́ко дождь на руно́, Богорóдице, Еди́ный от Трoицы во утро́бу Твою́, воплоща́емь.

Конда́к, глас 4.

Подóбен: Вознесѣйся:

Морскую́ пла́вая пучи́ну куплею, / от восто́ка тща́лся еси́ к се́веру, / но Бо́гу призва́вшу тя, / я́коже Матфе́й мѣтницу, ты же куплю́ оста́вь, / и Тому́ последовал еси́ кро́вию муче́ния, / вре́менными искупѣв непроходи́мая, / и вене́ц при́ял еси́ непобеди́мый.

Ўкос:

Премудры́й Зижди́тель и Влады́ка и Госпо́дин виногра́да мѣсленнаго / я́коже пресвяты́ми Свои́ми усты́ во при́тчи виногра́да глаго́лет: / я́ко во еди́ныйна́десять час де́лавшим подо́бную даде́ це́ну, / я́коже и от пе́рваго де́лавшим. / Ны́не де́лы известѣ́ в при́тчи крѣемое, Иоáнна показáв све́тла мученика, / на са́мый уже́ последок лѣтным ты́сящам, / подо́бно пе́рвым страда́льцем просла́ви нетлѣнием и исцелѣ́ния да́ром: / вре́менными бо искупѣв непроходи́мая, / и вене́ц но́сит непобеди́мый.

Песнь 7

Ирмо́с: Не послужи́ша тва́ри Богомудри́и / па́че Созда́вшаго, / но, о́гненное прещѣ́ние му́жески попра́вше, / ра́довахуся, пою́ще: / препѣ́тый отце́в Госпо́дь и Бог, благословѣ́н еси́.

Приноси́мая ти страда́ния, Иоáнне досточу́дне, / младе́нец стреля́ния му́жески вменя́л еси́, ра́достно по́я: / препѣ́тый отце́в Госпо́дь и Бог, благословѣ́н еси́.

Ру́ку ча́сто простира́я к мучи́телю, Иоáнн глаго́лаше: / что́ все́е труди́шися, безсту́дне? / му́ки бо творя́ мне — пестра́ одея́ния, / и смерть — вене́ц безсме́ртя.

Исти́нен аз мученик исти́ннаго Христа́ Бо́га на́шего, — страда́лец взыва́ше, — / влаче́ния бо цве́ты благово́нны вменяю́ / и кро́вныя стру́и — ба́ню крещѣ́ния.

Нощь от менé сѹдится житиé ёже во плóти,—
Иоáнн любомѹдрствоваше,— / скóро ѹбо прóчее
плóти разрешí мя соѹза, / да ѳже со Христóм
жизнь наслéдую.

Богорóдичен: Рíторствующий языкъ безгласен и
недви́жимъ, / ѳже о Тебé зрим, Богорáдованная: /
не ѳмать бо постíгнути непости́жимаго зачáтия
неизречённое рождéние.

Песнь 8

Ирмóс: **О**троки благочестíвыя в пещí / Рожде-
ствó Богорóдичо спасло́ есть, / тогда́ ѹбо образѹ-
емое, / ны́не же дéйствуемое, / вселéнную всю
воздвизáет пéти Тебé: / Гóспода по́йте, делá, / и
превозносите́ Егó во вся вéки.

Ублажи́ша тя царí, благослови́ша ты святíтели,
слы́шаще твоé мѹжественное терпéние / и ко
Христѹ ходáтая стяжавше́ тя, / и, ны́не приходя́ще,
честн́ым твоím мощém поклоня́ются.

Шатáшася иногда́ язы́цы с людьмí законопре-
стѹпными, / на Христа́ и Гóспода поуча́ющеся
тщётная, / и ны́не собра́шася, персы́ ѹбо Иоáнна
влача́ще, / иуде́и же закала́юще.

Ят бысть тобоѹ, и удержáн, / и до конца́
низложён змíй безплóтный во плóти твоím терпé-
нием. / И тогó крéпость угасé и лóтое мучíтель-
ство, Христѹ в плоть обóлжшуся.

Хваля́ся язвами Христóвыми, к вéчным востéкл
еси́ обíтелем, / в багрянíцу одéян, мучени́че, от
кровей тво́их обагрéную, / и свéтло Царю́ сил
предсто́иши, с мученики ликѹя.

Богорóдичен: Исáии уго́ль дрéвле по́слан бысть,
клецáми носím от Серафíма, / каса́ющся томѹ и
грехí оставля́ющ. / Клецá же Ты еси́, Дéво,
Божéственный Уго́ль носíвшая во оставлéние
грехóв челове́честву.

Песнь 9

Ирмóс: **В**сяк земнорóдный / да взыгра́ется, Ду-
хом просвещáемъ, / да торжествѹет же Безплóтных
умóв естество́, / почита́ющее священное торже-
ство Богомáтере, / и да вопи́ет: / ра́дуйся, Всебла-
жéнная Богорóдице, / Чíстая Приснодéво.

Воин истинный Христова проповедания был еси, Иоанне, / и лести потребитель безбожия. / Темже и ныне молитвами твоими потреби варварское востание, / воинству нашему под ноги сие, славне, низлагая.

Аще и расеяни быша священныя твоя плоти, мудре, / аще и крови излишася, но победительная на тебе преидоша. / Тем на нас встающих силою твоею посрами / и воинство наше яви победителя.

Лук сокруши нечестивых, войне непобедиме, / неправедно движимый на твое достояние, еже себе избрал еси, возлюбив, / и отечество наше утверди, / да и мы тихо и мирно препроводим жительство.

Юже желалом память светозарную твою и честную, / прияхом и облобызалом, радуящеся духом и играюще, / молимся, блаженне: / место сие и люди, идеже изволи славитися, сохраняй невредно, / со отечеством нашим.

Богородичен: Егже пророцы провозвестиша вси многообразне, / воплощася нас ради, Тобою видехом, Богородице, Бога, нам совершенна, / избавляющаго человеки от клятвы прадедния, / мы же Твоими молитвами вечныя геенны да избавимся.

Светилен.

Подобен: Плотию уснув:

Свету невечернему предстои, блаженне, с мученическими лики, / воспевающая тя в памяти твоей / от искушения спасай молитвами твоими.

Слава, и ныне, Богородичен:

Незаходямаго Света носило, Приснодево, / просвещшаго сидящих во тме неведения прелести, / озари и нам, грешным, свет Сына Твоего.

На хвалитех, Всякое дыхание: поставим стихы 4 и поем стихиры, глас 1.

Подобен: Всехвальнии мученицы:

Прехвальне Иоанне, / тебе ни свирепство мучителя, / ни словес ласкания, / ни мук прещения, / ни горькая биения / от Христа отторгоша, / Егже от младенства возлюбил еси, / Емуже и молися / даровати душам нашим / мир и велию милость.

Мне ничтѡже сладчѡйше, / ниже предпочтѣннейше,— / Иоанне, глаго́лал еси́ мѹчащим,— / ни сла́ва прехо́дящая, / ни бога́тство тле́нное, / па́че Христа́, Небе́снаго Царя́. / Егѡ́же мо́ли / дарова́ти душа́м на́шим / мир и ве́лию ми́лость.

Образ бысть мѹченичеству / в ле́тех послѣдних / благороднейший мѹченик, / в ре́вности распала́я / ду́ши боголюбе́зных страда́ний своих / сла́вою пребога́тою, / Христа́ же мо́лится / дарова́ти душа́м на́шим / мир и ве́лию ми́лость.

Сла́ва, глас 2:

Прииді́те, мучениколю́бцы, / наслади́мся мѣсленно духо́вныя днесъ трапе́зы, / ю́же нам предло́жи мѹченик Иоа́нн, / ея́же и А́нгели наслажда́ются, / по ре́кшему проро́ку: / хлеб А́нгельский яде́. / С ни́миже и ду́хом водворя́ется, / и нам про́сит от Спа́са Христа́ грехѡв оста́вления, / тогѡ́ честну́ю па́мьять соверша́ющим.

И ны́не, Богоро́дичен.

Славосло́вие ве́лікое, и ектений, и отпу́ст.

НА ЛИТУРГІИ

Блаже́нны, пе́сни 3-я и 6-я. Прокі́мен, глас 7: Возвеселі́тся пра́ведник о Го́споде / и упова́ет на Него́. Стих: Услы́ши, Бо́же, глас мой, вневгда́ мо́литимся к Тебе́. Апѡ́стол к Ефе́сеем, зача́ло 233. Аллилу́ия, глас 4: Воззва́ша пра́веднии, и Госпо́дь услы́ша их. Ева́нгелие от Матфе́я, зача́ло 36. Прича́стен: В па́мьять ве́чную:

Святой великомученик Иоанн Новый, Сочавский, пострадал в XIV веке (не позднее 1340 года). Он был родом из г. Трапезунда, занимался торговлей и по роду своих занятий часто плавал в другие страны. Однажды он плыл на корабле, владелец которого не был православным христианином. В споре о вере святой Иоанн, хорошо знавший Священное Писание и творения святых отцов, обличил неправомыслие корабельщика, и тот затаил на святого злобу. Во время стоянки корабля в Белграде Босфорском (по другим источникам в Аккермане—Белгород на Днестре) хозяин корабля донес правителю города, язычнику-огнепоклоннику, что

святой Иоанн хочет отречься от Христа и поклоняться огню.

Правитель пригласил святого во дворец и с честью принял его. Но когда святой Иоанн твердо исповедал себя христианином, он был предан жестоким мучениям: святого нещадно били палками, так что тело его было залито кровью. Затем мученика бросили в темницу. На другой день его вновь пытались заставить поклониться огню, но все усилия мучителей были бесполезны. Святой Иоанн благодарил Бога за дарование мученичества ради Его Имени и старался обратить язычников к вере во Христа. Никакие пытки не сломили волю святого мученика. «Бей жезлами,—

говорил он правителю,— жги огнем, утопи в воде или рассеки мечом и, если есть у тебя иные, более лютые муки, не ленись причинить их мне: всё готов радостно принять ради любви ко Христу моему».

Святого Иоанна привязали за ноги к хвосту дикого коня, которого стали гнать по улицам города. Над страданиями мученика потешались иудеи. Один из них догнал влачимого мученика и отсек ему голову. Тело святого было брошено среди улицы, и никто из христиан не смел его погребать. Ночью многие видели над телом мученика огненный столп и множество светившихся лампад. Три светящихся мужа воспевали священные песнопения и кадили вокруг него. Некий иудей принял этих мужей за христианских священников и хотел застрелить одного из лука. Но когда он натянул тетиву, лук и стрела будто

приросли к его рукам, он простоял в таком положении до утра. На рассвете видение исчезло. Правитель, узнав о чуде, разрешил христианам взять тело святого Иоанна.

Христиане погребли его рядом со своим храмом.

Владелец корабля, раскаявшийся в содеянном, хотел тайно взять тело мученика. Ночью он раскопал могилу и намеревался изъять мощи. Святой Иоанн в сонном видении предупредил об этом пресвитера храма, и тот остановил вора. Честные мощи были перенесены в алтарь храма, где пролежали более 70 лет. От мощей происходили различные чудеса: сиял свет, распространялось благоухание, многие больные получали исцеления. Правитель Молдо-Влахийского княжества Александр перенес мощи святого Иоанна Нового в свою столицу Сочаву.



В
ТОЙЖЕ
ДЕНЬ

Святѣя благовѣрныя княгини Юлианіи Новотѣржскія (Слѹжбу зри 21 декабрѣ)

Тропарь, глас 2:

Благочѣстно в законѣ пожѣвши / и благими дѣлы
украшивши, / яко крѣпкий адамант, явѣся, /
целомудренная святая благовѣрная княгине Юли-
аніе, / тлѣнную славу и добротство телѣсное
презрѣвши, / злокозненнаго врага победѣла еси, /
целомудрия ради мученическую смерть прияла
еси. / Сего ради от Христа Бога нетлѣнным и
вѣчным венцемъ венчавшися, / ныне с лики мученик
ликѹеши / и нам велия чудеса, приходѣющим ко
гробу твоему, / обильно источаеши. / Тѣмже ти
вопием: / молися Христу Богу о всех нас, / верою и
любовію страданія твоя почитающихъ.

Кондакъ, глас 2:

Воспоем днесъ Благодѣтеля всех Бога, / про-
славльшаго в Россіи Юлианію Богомуд-
рую, / да молитвами ея подаст душамъ нашим /
грехов оставленіе и велию милость.

Святая благоверная княгиня Иулиания, Виземская и Новоторжская, мученически скончалась 21 декабря 1406 года. В этот день Церковью установлено празднование ее памяти. Святая мученица погребена в г. Торжке, рядом со Спасо-Преображенским соборным храмом. 2 июня празднуется обретение мощей благоверной княгини Иулиании, которое произошло в 1815 году

при разборе обветшавшего Спасо-Преображенского собора. 2 июня 1819 года в Спасо-Преображенском соборе во имя святой благоверной княгини Иулиании был освящен правый придел. В 1906 году у собора, на месте часовни, над гробом благоверной княгини была устроена церковь ее имени. Память святой Иулиании Новоторжской совершается также 21 декабря.

В
ТОЙЖЕ
ДЕНЬ



Святáго священномúченика Ерэзма Охридскаго

Тропáрь, глас 4:

Преподóбно житиé твоé прошéд, мúдре, / свéтлым украси́лся еси́ хитóном священства. / Пролива́я же кровь мúченичества, Ерэзме, / сподóбился еси́ св́ише мздов нелéстных / и, предсто́я Трóице, мо́лишися о нас, воспевáющих тя.

Священномученик Еразм Охридский, родом из Антиохии, жил в начале IV века, в период правления императоров Диоклитиана и Максимиана. Он подвизался в Ливанских горах, где за свою строгую жизнь стяжал у Господа дар чудотворений.

С проповедью Евангелия святой Еразм дошел до города Охриды, который входил тогда в Илирийскую область (провинцию) Римской империи. Здесь святой Еразм обратил к истинной вере и крестил многих язычников, разрушил идольские капища. Об этом донесли императору Максимиану, который находился в то время в Илирии.

Максимиан приказал привести святого Еразма к медному идолу Зевса и совершить языческое жертвоприношение, поклонившись идолу. Святой Еразм решительно отказался сделать это. По распоряжению императора он был заключен в темницу, откуда его вывел Ангел Господень. Святой Еразм с проповедью веры Христовой отправился затем в провинцию Кампания. Близ города Хармелий он поселился в пещере, где пребывал в иноческих подвигах до самой своей кончины.

Пещера с церковью во имя святого Еразма и донныне существует в окрестностях Охриды.

